



OSTERØY KOMMUNE

Postboks 1

5293 LONEVÅG

Saksbehandlar, innvalstelefon

Solveig Kalvø Roald, 5557 2327

Magnus Johan Steinsvåg, 5557 2325

Uttale - landbruksveg - Osterøy - 29/7 - Hartveit - Hovden

Vi viser til søknad om bygging av landbruksveg på Hartveit til Hovden i Osterøy kommune. Vegen på 2150 meter er tenkt bygd med vegklasse 4.

Føremålsparagrafen i Forskrift om planlegging og godkjenning av landbruksvegar seier at «*Formålet med denne forskriften er å sikre at planlegging og bygging av landbruksveier skjer på en måte som skal gi landbruksfaglige helhetsløsninger. Det skal samtidig legges vekt på hensynet til miljøverdier som naturmangfold, landskap, kulturminner og friluftsliv, hensynet til fare for flom, erosjon og løsmasseskred, samt andre interesser som blir berørt av veiframføringen*».

Forskrifta sin § 2-2 siste ledd skildrar kva søknaden må innehalde av relevant informasjon: "Av søknaden skal nytten av veiltaket framgå. Det skal vidare framgå av søknaden hvordan hensynet til å minimere faren for flom, erosjon, løsmasseskred og negativ påvirkning på kjente miljøverdier skal ivaretas i forbindelse med tiltaket".

Det er ingen tvil om at det er store skogverdier knytt gran i dekningsområdet til den planlagde vegen. Men det kjem ikkje fram i søknaden eller frå høyringsbrevet frå kommunen korleis ein har tenkt å hindre avrenning til vassdrag i samband med vegframføringa. I søknaden er verken Lonevassdraget som verna vassdrag eller viktig naturmangfald som elvemusling omtala. Vi kan heller ikkje å sjå av dokumenta kva areal som inngår i dekningsområdet til vegen jf landbruksvegforskrifta § 2-3.

Elvemuslingen i Loneelva er kritisk trua og tilføring av jord- og steinpartiklar som fylgje av vegbygging og ikkje minst hogst kan ha svært store negative følgjer for bestanden. Det er også kjent at langvarig nedbryting av hogstavfall kan gje stor avrenning av næringsemne, noko som kan vere uheldig for vasskvaliteten. Derfor må vegplanlegginga og vidare planlegging av hogst omfatta konkrete og adekvate tiltak for å hindra slike følgjer. Vi minner om at kommunen gjennom si sakshandsaming har ei sentral rolle i å sjå til at tiltaket ikkje får uheldige verknader for miljøverdiane [jf Skoglova § 8 andre ledd](#).



Statsforvaltaren ønskjer å bistå med rettleiing slik at skogeigar kan få drive skogen her på ein god måte. Men for å gjere det treng vi meir informasjon om kva tiltak, metode og driftsformar ein ønskjer å bruka for å unngå irreversible skadar på naturmangfaldet i nære nedbørsfelt i vassdraget.

Vi avventar derfor med å gje høyringsfråsegn til vi får meir detaljar om det omsøkte tiltaket.

Med helsing

Magnus Johan Steingsvåg
Seniorrådgjevar

Solveig Kalvø Roald
seniorrådgjevar

Dokumentet er elektronisk godkjent